

Mbanjcuengduenz:

Baengh “Huqbauj” Hai Roen Fouq

丰富“宝藏”深藏中团屯

□ Gveisenh ingj



▲ Roenrinnding bu daengz bakdou ranz.



▲ Gwnz dou gwnz cueng gaekdeu ndeyawj.



▲ Ndaw gyanghongh raen doiq moq.



▲ Roen mbaeklae diuzrin doeng daengz ranz.



▲ Ndaw mbanj gizgiz raen miz rinnding.

“Yiemh gungj ciengzngauh sang, roenbenjrin bu doh; cien heu vax mong doq, Cungduenz rox okmingz.” Hot fwen haprwenz yinxvunz ndeu eu ok le gij yiengh gaeuqgeq gyaendei Mbanjcuengduenz Fucang Cunh Cinlungz Cin Bingznanz Yen. Aen mbanj iq neix ranz gaeuq baenz benq, cien heu vax mong, gwnz liengz gwnz saeu gaekdeu doz gyaeu, gwnz ciengz veh miz veh lengj, luengqhongh vangraeh daengisoh doxdoeng, Ranzdafuh, Ranzduhgun daengj ranz gaeuq louzce ndaej haemq ndei, gyuemlongz miz cungj hei q swhyienz sohswd ndeu. Bi 2016 ndwen 11, mbanj gaeuq Mbanjcuengduenz ndaej lied haeuj Guengsae raeuz buek daihngleih aenmbanj conzdungj.


Mbanjcuengduenz dieg youq baihsaenamz Cinlungz Cin, aenmbanj youq Ciuhmingz Gyahcing nienzgan hainduj hwnjguh, gaenq miz sei q bak lai bi lizsij. Ndaw mbanj daj Ciuhcingh Ganghcih nienzgan hainduj couh lienzdaemh miz vunz youq gwnz ciengzgohgij aeundaen goengmingz, gonqlaeng miz geijcib vunz gaujhwj siucaiz, gunggij daengj. Geij bak bi daeuj daengx mbanj gungh guh miz

70 lai aen ranz gaeuq seiz Ciuhmingz Ciuhcingh, aenranz doxcomz baenz benq, ciengzngauh daengisoem yiemhranz gungjgaeu, ranzrwzho yiengh daegbied, deufaex, deurin, deucien yienghsiengq gyaqciq. Ndawde louzce ndaej haemq ndei dwg Ranzdafuh caeuq Ranzduhgun, song aen ranz doxliz mbouj gya, funggek dajcaep doxdoengz, cungj dwg yiengh ranzrwzho cien heu vax mong, saeu liengz gaekdeu, caep ndoen yiemh gungj haenx; gwnz ciengz laj yiemhranz, aeu ciendeu caeuq bitveh lai saek caep baenz fuk dem fuk dozveh gyaendei, miz gingj huz saek bya gyaendei, miz giz doz gova caznywj duznon duzbya, gak cungj gak yiengh, yawj bae lumj lix nei lij doenghyebye, vih ndaw hongh demlai le cungj yinxdaeuz mbouj doxdoengz ndeu. Gij doz neix ndawde moix fuk cungj hamz miz aen goj ciuhgeq ndeu, fungcingz yinzvwnz gauhyaj caemhcaiq hamzeiq laeglwd. Byaij haeuj ndaw gyang mbanj gaeuq, caenh raen baenz diuz baenz diuz luengqhongh miz raez miz dinj, gyangq miz roek cik aeu rinbyahoengz bu baenz haenx vangraeh

camca iet gvaq seiqlengq lienz daengz bakdou gak ranz, yienh'ok gij rizgeq ronghlwenq gaxgonq aenmbanj.

Cawz ranz gaeuq gyaendei le, ndaw mbanj feihvuzciz vwnzva yizcanj lai cungj lai yiengh, moix bi liggaueq ndwensam, ndwengouj caeuq ndwencieng, ndaw mbanj cungj guh miz foux saeceij daengj minzsuz hozdung, daengx mbanj ranzranz caeuqfaenh, hawj gij minzsuz hozdung neix daihdaih swnjcienz, hoenghvuengh daengx mbanj.

Daj bi 2015 gvaqdaeuj, vunzmbanj youq bouxguhdaeuz daiqdoengh lajde, gak ranz gag sousib cingjcoih ndei ranzgaeuq, mbanj vunzlaux caemh dawz gij doxgaiq gaeuq okdaeuj roxnaeuz bonj geiqloeg yiengh aenmbanj goj aenmbanj okdaeuj bangcoengh hong dajcoih, caezsim aeu gij hengzdoengh bonjfaenh daeuj henhoj faenh “huqbauj” ciuhgeq louz roengzdaeuj neix, caemhcaiq dawz gij ranzgaeuq ndaw mbanj caeuq gij gingjyawj minzsuz daegsaek mbanj henzyawj giethab hwnjdaeuj hwngfat hongsaeh lijyouz, daiqdoengh vunzmbanj byaij hwnj roen baenz fouq.



▲ Diuzluengq gaebged caemh doengrat.



▲ Yiengh mbanj gaeuq rizgeq lai.



▲ Faqdou gaeuq dinghdingh henhoh ranz gaeuq.



▲ Rinnding caep laj gwnz caep cienheu.



▲ Yiengh gaeuq Ranzduhgun.